

نظرة نَعْمَانُ الأعصر

الشارع الطويل
ما يرضاش يدخُله التاكسي،
الحُفَر أكثر من الناس،
والناس أكثر من اللازم
تخبط راسك
في سقف الميكروباص
بمعدل ١٠٠ خبطة في الثانيه.

أوله دكاكين

بتسد الطريق

وآخره ضلمة

قافله الخيال.

اسم الشارع مش لازم،

ممكن يكون على اسم أول بيت

لأ.

الحقيقة المجرمة

إنه باشا قد الهيبة.

كان عمدة للمدينة،

هو اللي عمل أول طريق دائري

وأول مجلس بلدي

وأول بنك وطني،

خصص مكان لقلعة الصناعة،

من قبل ماغنوا

(دور يا موتور)

دلوقتي لو زارنا بعد ميت سنة!

شاف الموتور عطلان

والطريق الدائري

اللي على اسمه.

بقى مجرد شارع

مضروب سكينه في بطنه

وبينزف مجاري!

يا ترى ح ييصلنا إزاي؟